



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. IV. De infinite Dei,

[urn:nbn:de:hbz:466:1-77232](#)

DE ATTRIBVTIS IN PARTICVLARI.

91

& bonitas moralis. Minor probatur: Sanctitas, ut docent Theologi cum S. Thoma, tria importat, sive ex tribus coalescit: primum est munditia & puritas, sanctus enim græcè dicitur *ἅγιος*, quasi sine terra; unde Dionysius cap. 12, de divin. nomin. *Sanctitas est ab omni scelere libera, & omnino perfecta, & ex omni parte immaculata puritas.* Secundum est firmitas, sanctum enim idem significat ac sanctum, seu lege firmatum, unde Ulpianus ff. de *divisione rerum*, ait: *Sacra loca sancta esse, quia sanctum est quod sancte aliquid firmatum est.* Tertio sanctitas importat quandam divino cultui consecrationem, & perfectam conjunctionem cum Deo, quæ sit præcipue per charitatem. Addit Isidorus libro Etymol. cap. 18, quod sanctus idem significat quod *sanguine tingitus*; et quod antiquitatis illi qui purificari volebant, sanguine hostia tingebantur; unde Apostolus ad Hebreos 9. *sine sanguinis effusione non fit remissio*, id est legalis sanctificatio. Hæc autem perfectissimè Deo convenient: est enim in primis ab omni sceleris labe purissimus, & ab omni terrena contagione perfectissimus: *Mundi sunt enim oculi eius ne videat malum, & respicere ad iniquitatem non poterit*, ut dicitur Abacuc 1. Et Dionysius cap. 1. de divin. nomin. *Divina substantia (inquit) totis substantiis immaculata superveniens, ab universa substantia separata est.* Secundò est immutabilis in suis decretis, & in bono constantissimus. Tertiò sibi addictissimus est, & quodammodo consecratus, & voluntati sua, tanquam primæ totius sanctitatis regule, immobiliter adhærens, à qua nunquam potest deflectere, sicut nec à suo esse; ipse enim est suum velle, sicut & suum intelligere, & esse. Neque eriam illi deest quarta sanctitatis acceptio, quam à sanguinis effusione aliqui defumunt, ut verè ille sanctus sit, qui proprio vel alieno sanguine purpurascit: Deus enim, ad totius sue sanctitatis complementum, volunt humanæ naturæ, quam sibi copulavit, crux in Circuncisione & Passione effulso, rubescere; & proprio sanguine Christianam sancire disciplinam, novoque illo titulo, novam sanctitatis prærogativam promereri.

41. Probatur tertio conclusio: Sicut veritas & perfectio naturalis in rebus, consistit in eo quod sint conformes conceptui, seu idea mentis divine, ut docet D. Thomas infra quæst. 16. ita & sanctitas, seu bonitas moralis, consistit in conformitate cum voluntate Dei, & cum lege æterna: quia sicut divina idea est origo primordialis omnis perfectionis entitatibꝫ & naturalis, ita & lex æterna, est mensura ac regula omnis perfectio[n]is moralis, & omnis rectitudinis affectus & moris. Unde cùm Deus sibi ipsi maximè conjunctionis sit, tum per naturam, tum per affectum amoris; & ipsem sit sua lex, & sua regula, à qua deviare non potest, sicut nec à sua essentia, est infinitè sanctus & bonus, bonitate non solum naturali, sed etiam morali, & hoc tripliciter. Primo formaliter, ratione conjunctionis, sive potius identitatis sue voluntatis cum lege æterna, ut iam declaravimus. Secundo objective, seu exemplariter, quia est objectum, & regula omnis sanctitatis creata, iuxta illud Levitici 19. *Sancti estote, quia ego sanctus sum.* Tertio eminenter & causaliter, quia est fons & principium omnis sanctitatis, & bonitatis moralis, quæ est in creaturis: unde ob triplicem illam sanctitatis prærogativam, Seraphim die ac nocte sacrum

A illud trisagium, *Sanctus, Sanctus, Sanctus*, ante thronum Dei decantant, ut dicitur Isaiae 46. vel etiam dicitur ter maximè sanctus, quia est purissimus, & ab omni peccati labe alienissimus; quia immutabilis, & in bono constantissimus; & quia est simplicissimus, sibiique addictissimus, iuxta triplicem sanctitatis acceptiōnem, à nobis supra declaratam.

Dico ultimò, Deum esse bonum per essentiam, tam ex parte subjecti, quam ex parte praedicati.

Probatur prima pars: Illud dicitur tale per essentiam ex parte subjecti, quod habet aliquam formam, vel perfectionem ex vi sua essentia;

B sicut homo rationalitatem: sed Deus est bonus per seipsum, & ex vi sua essentia, iuxta illud Leonis Papæ, *Deus cuius natura bonitas, & opus misericordia.* Unde Tertullianus lib. 1. contra Marcionem: *Deus est seipso bonus, ex nobis iustus* (intellige iustitiā vindicativā) & prior est bonitas Dei secundum naturam, posterior severitas secundum causam: illa propria, hec accommodata, illa edita, hæc adhibita est. Et ibidem addit, *Deus de sola bonitate considerans est.* Ubi ponderanda est vis hec verbi, *censendus*, significat enim, quod divina bonitas est quasi totius divinitatis census, & veluti divini ararij pretiosissimus thesaurus: iuxta illud Apostoli, *Deus qui dives est in misericordia.* Primus ergo Dei cultus (inquit Seneca) est Deum credere, deinde Epistola reddere illi maiestatem suam, reddere bonitatem, sine qua nulla maiestas est.

C Secunda pars conclusionis probatur: Est bonum per essentiam ex parte predicati, est in se habere totam plenitudinem bonitatis & perfectionis, sine ullo limitativo & contractivo, ut exposuimus in tertio notabili: Sed Deus totam plenitudinem bonitatis, & perfectionis in se posse, sine ullo limitativo & contractivo, ut constabit ex dicendis articulo sequenti: Ergo est bonus per essentiam, non solum ex parte subjecti, sed etiam ex parte predicati. Unde Dionysius de divin. nomin. cap. 1. *Deum, ipsum bonum, & ipsum pulchrum*, appellat. Et Luca 14. solus Deus dicitur esse bonus, quia ut notat Augustinus super Psalm. 134. Omne aliud bonum aliò bonum est, solus vero Deus, est seipso bonus, bonum omnium bonorum, bonum à quo sunt omnia bona, bonum sine quo nihil est bonum, & bonum quod sine ceteris bonum est. Cur ergo (exclamat Anselmus) per multa vagaris homuncio, querendo bonum profanam animæ tue, & corporis tui? Ama bonum in quo sunt omnia, & satis est: desidera simplex bonum, & sufficit. Pudent (adgit Augustinus) cum alia non amentur, nisi quia bona sunt, eis inhabendo, non amare bonum, unde bona sunt.

D 43. Secunda pars conclusionis probatur: Est bonum per essentiam ex parte predicati, est in se habere totam plenitudinem bonitatis & perfectionis, sine ullo limitativo & contractivo, ut exposuimus in tertio notabili: Sed Deus totam plenitudinem bonitatis, & perfectionis in se posse, sine ullo limitativo & contractivo, ut constabit ex dicendis articulo sequenti: Ergo est bonus per essentiam, non solum ex parte subjecti, sed etiam ex parte predicati. Unde Dionysius de divin. nomin. cap. 1. *Deum, ipsum bonum, & ipsum pulchrum*, appellat. Et Luca 14. solus Deus dicitur esse bonus, quia ut notat Augustinus super Psalm. 134. Omne aliud bonum aliò bonum est, solus vero Deus, est seipso bonus, bonum omnium bonorum, bonum à quo sunt omnia bona, bonum sine quo nihil est bonum, & bonum quod sine ceteris bonum est. Cur ergo (exclamat Anselmus) per multa vagaris homuncio, querendo bonum profanam animæ tue, & corporis tui? Ama bonum in quo sunt omnia, & satis est: desidera simplex bonum, & sufficit. Pudent (adgit Augustinus) cum alia non amentur, nisi quia bona sunt, eis inhabendo, non amare bonum, unde bona sunt.

ARTICVLVS IV.

De infinitate Dei.

Ad quæstionem 7. D. Thomæ.

Sicut divina bonitas, magis à nobis diliguntur, quam declarari potest, ita & ejus infinitas, admiratione potius, & silentio, quam sermone, & discursu explicanda est. Ut enim dicit Cyprianus: *Deus nec videri potest, risu clarior est.* libro Nec comprehendendi, tacitu puriore est. Nec etiam mari, idola non sensu maior est. Et ideo siccum dignè estimamus, id est dum inestimabilem dicimas. Ut tamen ex hoc

M ij

DISPUTATIO QVARTA

ammodo essentiæ & perfectionis Oceano, guttam saltem hauriamus, duo in hoc articulo breviter demonstranda sunt. Primum est, Deum esse simpliciter, & in genere entis infinitum. Secundum, attributum infinitatis ita esse illi proprium, ut repugnet dari creaturam, secundum suam essentiam, vel secundum accidentia infinitum.

§. I.

Demonstratur Deum esse simpliciter & in genere entis infinitum.

44. **N**otandum primò, dupliciter aliquid posse dici infinitum: primo in ratione entis, secundo in certo genere. Quod priori modo infinitum est, absolute & simpliciter infinitum dicitur: quia totam ejus amplitudinem, quae in infinitum, & sine termino excurrit, in se continet: quod vero est in certo tantum genere infinitum, dicitur infinitum secundum quid, & continet tantum perfectiones illius generis: v.g. si daretur albedo infinita, illa in se quidem contineret omnem perfectionem albedinis; non tamen totam perfectionem substantiae, vel quantitatis, in se prehaberet.

45. Notandum secundò ex D. Thoma 3. parte q̄st. 10. art. 3. ad 2. & quodlibeto tertio, art. 3. quod infinitum dicitur, quia non finitur, seu quia caret terminis: unde ut aliquid dicatur infinitum in aliquo genere, illius generis terminis carere debet, & ut dicatur absolute, & in genere entis infinitum, debet carere terminis limitibus & finientibus ipsum esse.

46. Notandum tertio quod cum esse sit ultimus actus, nequit actuari per ulteriorem actum, nec proinde illum habere limitativum formale, sed tantum materiale, nempe subjectum in quo recipitur: unde si sit irreceptum, & ab omni subjecto independens, erit omnino illimitatum. His præmissis.

47. Dico primum: Deum esse simpliciter & in genere entis infinitum. Hanc conclusionem demonstrat D. Thomas hic art. 1. & 1. contra Gentes cap. 43. variis rationibus, quas breviter hic exponemus.

Prima & præcipua potest sic proponi. Esse Dei est per se subsistens & irreceptum: Ergo & infinitum simpliciter. Antecedens est certum, cum enim esse Dei, ne virtualiter quidem ab ejus essentia distinguitur, non potest in ea recipi. Consequentia probatur: Omnis actus, licet efficienter & extrinsecè limitetur à causa illum producente, formaliter tamen & extrinsecè, per potentiam ejus susceptivam, aut saltem per ordinem ad illam limitari debet, ut enim dicit S. Doctor 1. contra Gentes cap. 43. ratione 2. *Omnis actus alteri inherens terminationem recipit ex eo in quo est: quia quod est in altero, est in eo per modum recipientis:* Ergo cum esse habeat rationem actus, non potest limitari, nisi per ordinem ad subjectum in quo recipitur: unde si sit irreceptum, & ab omni susceptivo abstractum (quale est esse divinum) non erit limitatum, sed infinitum. Consequentia patet, Antecedens probatur. Sicut diuisibile, per indivisibile formaliter terminatur, ut linea per punctum; ita actus per potentiam formaliter limitari debet: nam intra suam propriam rationem, nihil habet actus per quod formaliter limitetur; actualitas enim non limitat actualitatem, sed potius eam auget & perficit: Ergo si esse Dei sit per se subsistens &

A irreceptum, est infinitum simpliciter.

Confirmatur & magis illustratur hæc ratio. **Il-** lud est simpliciter infinitum, quod caret omni termino, omnique limitativo: Sed esse per se subsistens & irreceptum, omni termino & limitativo caret: Ergo est infinitum simpliciter. Major conflat ex secundo notabili, Minor vero sic ostenditur. Duplex tantum potest dari limitatum, unum materiale, nempe subjectum recipiens formam; alterum formale, differentia scilicet contrahens genus, vel forma potentialitate in materia ad certam speciem determinans: Sed esse per se subsistens & irreceptum, utroque limitativo caret: Ergo est omnino illimitatum. Minor quantum ad primam partem conflat, cum enim illud non sit receptum in aliquo subjecto, nullum habet limitativum materiale. Proba ut vero quantum ad secundam: ut enim ostendimus in tertio notabili, cum esse sit ultima rei actualitas, non potest actuari per aliā ulteriorem, nec proinde illum habere limitativum formale: unde si sit irreceptum, & careat limitativo materiali, erit omnino illimitatum.

Secunda ratio petitur ex eo quod Deus est ens a se, & independens ab omni causa efficiente. Sicut enim omnis actus & perfectione formaliter & intrinsecè limitatur ex subjecto in quo recipitur, vel ex ordine ad illud (ut iam ostendimus) ita efficienter & extrinsecè limitatur & finitur à causa illum producente: Sed enti a se nulla est causa: Ergo nec ulla perfectionis limitatio.

Hæc ratio, hoc exempli, ex rebus humanis desumpta, illustrari potest. Sicut enim, ejus qui duntaxat delegatione ab alio potestatem accepit, potestas potest esse limitata à delegante; ille tamen cui potestas est innata & propria, habet semper plenitudinem potestatis. Ita etiam, licet entia qua habent esse ab alio, sint finita & limitata, in entitate & perfectione; tamen ens a se, & ab omni causa efficiente independens, est infinitum simpliciter, & totam effendi plenitudinem in se continet.

Tertia ratio suprà fuit à nobis insinuata. Omne quod secundum naturam finitum est, ad generis alicuius rationem determinatur: Atqui Deus non est in aliquo genere, sed omnia genera & prædicamenta transcendit, omniumque generum perfectiones in se continet: Ergo est simpliciter infinitus.

Confirmatur: Sicut illud quod caret terminis quantitatis, est in tali genere infinitum; ita & quod terminis essentiæ caret, simpliciter & efficienter infinitum est: unde cum terminis & differentiis, sint termini essentiales, quibus essentia limitatur & coarctatur, oportet quod ens simplicissimum, & omni compositione etiam metaphysicâ carens, sit simpliciter, & in genere entis infinitum.

Quarta ratio: Tantò aliquis actus est perfectior, quanto minus habet potentias permixtum: unde omnis actus cui permisetur potentia, habet terminum sui perfectionis; cui autem non permisetur aliqua potentia, est absque termino perfectionis: Sed Deus est actus purus, & omnis potentialitatis expers, ut suprà oftensum est: Igitur est in perfectione infinitus.

Quinta ratio: Omnis contratio & limitatio formæ, fit per aliquam sui oppositi inclusionem: sicut albedo contrahitur & limitatur, per hoc quod recipitur in subjecto, in quo aliquid sui oppositi, scilicet nigredinis, est admixtum: Sed

DE ATTRIBVTIS IN PARTICVLARI. 93

Deus, cùm sit ens à se, & per essentiam, est alienus ab omni nihilo, à quo non emersit, ut entia producta, & cum eo, ut ita dicam, nihil habet commercij. Item, cùm sit actus purus, nihil potentialitatis includit: Ergo omni limitatione & finitate caret.

Denique ejusdem infinitatis assignari potest ratio à posteriori, desumpta ex creatione: Creatio enim dicit virtutem infinitam in principio creante: Ergo cùm Deus sit creator cœli & terræ, visibilium omnium, & invisibilium, ut in primo Symboli articulo profitemur, pollet virtute & potentia infinita; & cùm infinita virtus, & potentia, non possit esse in essentia infinita, relinquitur Dei essentiam esse simpliciter infinitam. Utraque hæc Consequentia pater, Antecedens vero demonstratur à D. Thoma infra quæst. 45. art. 5. tum quia virtus creativa respicit ens quam ens, quod in infinitum abire potest; tum etiam, quia si tanto major requiritur virtus in agente, quanto minor est potentia in subiecto, ad effectum & educationem formæ, ubi nulla omnino erit potentia, necessaria erit virtus infinita: Cùm ergo creatio sit productio rei ex nihilo, & ex nulla potentia presupposta, requirit in creante virtutem, & potentiam infinitam.

§. II.

Ex principijs iam statutis infertur cum Divo Thoma, nullam posse dari creaturam secundum essentiam, vel secundum accidentia infinitam.

Dico secundò: Nullam posse dari creaturam infinitam secundum essentiam.
Probatur conclusio ex principijs jam statutis: Omnis creatura habet esse receptum ab alio, & in alio: Ergo habet esse finitum, & limitatum. Consequentia patet ex dictis: Omnis enim actus vel forma, intrinsecè finitur & limitatur ex subiecto in quo recipitur, vel ex ordine ad illud; & extrinsecè à causa à qua producitur. Item cùm nulla creatura sit actus purus, sed habeat aliquid potentialitatis admixtum, habet aliquam sui oppositi inclusionem, & aliquid commercij cum nihilo, à quo emersit, & constat ex genere & differentia: Ergo est secundum suam essentiam finita & limitata. Hæc etiam consequentia ex supra dictis relinquitur manifesta: omnis enim actus cui permiscetur aliquid sui oppositi, finitum est: sicut & omne ens constans ex genere & differentia, hac enim sunt termini essentiae metaphysicæ consideratae, sicut punctum & superficies, sunt termini quantitatis.

Dico tertio: Nullam etiam posse dari creaturam infinitam secundum accidentia. Ita D. Thomas art. 3. & 4. ubi demonstrat non posse esse in rebus aliquid infinitum secundum magnitudinem, vel secundum multitudinem: cuius oppositum docem Nominales, & Gregorius Ariminiensis in 1. dist. 43. quæst. 4. quibus ex recentioribus subscribit Vazquez, hic disp. 26.

Probatur primò conclusio ex dictis in prædenti. Accidens infinitum exposcit subiectum infinita capacitatib; cùm debeat semper esse proporcio, inter actum & potentiam receptivam, & inter perfectivum & perfectibile: Ergo si nulla possit dari substantia creata infinita, & habens infinitam capacitatem, nullum etiam possibile erit accidens infinitum.

Probatur insuper conclusio ex variis inconvenientibus, quæ ex opposita sententia sequuntur.

A In primis enim si multitudine actu infinita esset possibilis, dari posset aliqua pars quæ aquaretur suo toti, quod repugnat huic primo principio, *Omne totum est minus suā parte.* Sequela probatur: Ponamus enim infinitam multitudinem hominum esse productam, quorum singuli duobus oculis fuerint praediti, ut consuetus natura cursus postulat, tunc in hac infinita multitudine, tam oculorum, quam hominum, utique multitudo oculorum erit dupla ad multitudinem hominum; cùm enim singuli homines habeant duos oculos, necessariò illa infinita multitudine oculorum, continebit multitudinem duplicatam: ex quo sequitur eam multitudinem hominum, habere se ad multitudinem oculorum, velut unum ad duo, ideoque veluti partem ad totum, & nihilominus, cùm in multidine infinita hominum, infinita multitudine binariorum continetur, ut evidens est, non potest esse æqualis infinitæ multitudini oculorum, quæ alia non est infinitas, quam infinitas binariorum; ex hypothesi quod singuli ex infinita illa hominum multitudine duos oculos habeant.

Secundò, Si daretur infinita multitudine hominum v. g. sequeretur quod unico tantum homine ex ea multitudine subtraheto, illa statim hoc ipso desineret esse infinita; & quod eō demum per novam productionem adjecto, rursus redderetur actu infinita: Sed hoc absurdissimum est, subtraheto enim numeri finiti ab infinito, non potest tollere infinitum; nec etiam additio numeri finiti, facere potest ex finito infinitum: Ergo repugnat dari multitudinem infinitam. Sequela Majoris probatur: Sicut enim infinitum secundum essentiam debet actu continere omnes perfectiones possibilis in genere entis; ita de ratione infiniti secundum multitudinem, est ut actu & formaliter continat omnem multitudinem formaliter possibilem in ea multitudine: Sed si unicus homo ab illa multitudine infinita subtrahetur, tunc non contineret actu & formaliter omnem multitudinem possibilem; cùm possibilis esset multitudine, in qua ille homo includeretur: Ergo unicus homo, ex ea multitudine infinita subtraheto, ea statim hoc ipso desineret esse actu infinita, & illō demum adjecto, rursus redderetur actu infinita.

Tertio, Si posset dari aliqua qualitas infinite intensum in intellectu alicujus beati, ille comprehendet Deum: Sed hoc repugnat, ut demonstrant Theologi in Tractatu de Visione beatæ Ergo & illud. Sequela Majoris probatur: Quantò major & intensior est virtus motiva, tanto velocius, & in minori duracione moverit: Ergo si daretur virtus motiva infinita, moveret in minima duracione possibili, hoc est in instanti.

Quartò, Si daretur lumen gloriae infinite intensum in intellectu alicujus beati, ille comprehendet Deum: Sed hoc repugnat, ut demonstrant Theologi in Tractatu de Visione beatæ Ergo & illud. Sequela Majoris probatur: Quantò intensius est lumen gloriae, tanto clarius & perfectius Deus cognoscitur, & tanto plures videntur creature possibilis, latentes in divina omnipotencia, ut ibidem ostenditur: Ergo per lumen gloriae infinite intensum, Deus cognoscetur perfectissimo modo possibili, & quantum cognoscibilis est, totaque collectio creaturatum possibilium, quæ latent in omnipotencia Dei attingeretur; ac proinde Deus, ejusque omnipotencia comprehendenterunt.

M iiij

60. Quintò, Si possibilis esset gratia vel charitas infinita secundum intentionem, nulla posset dari ratio, cur Christus Dominus, secundum humanam naturam, non habuerit gratiam & charitatem infinitam intensam: hæc enim maximè de-
cūsset unionem hypostaticam, & personam Christi infinitam. Item si gratia sanctificans in-
finitè intensa, possibilis sit, vix potest reddi ratio, cur non potius homo purus expers peccati, cum infiniti hujusmodi gratia, ad satisfaciendum pro peccatis fuerit misericordia, quam Christus Do-
minus: præsertim si vera sit illorum sententia, qui affirment peccati malitiam non esse simpliciter, & intrinsecè, sed extrinsecè tantum, &
objectivè infinitam. De quo in Tractatu de pec-
catis.

61. Denique, hac sententiæ Vazquezij & Nominalium, enervantur multæ rationes, quæ vel ad existentiam Dei, vel ad inceptionem mundi comprobantam, à Doctoribus gravissimis afferuntur. Unde dicit Guillelmus Parisiensis, Tract. de fide cap. 2. Ponere infinita huiusmodi, est de-
fendere credulitatem eorum quæ sunt fundamen-
tum Religionis, & propter hoc Religionem in-
fundabilem facere, quare & inædificabilem.

Argumenta quæ militant contra precedentes conclusions, proponi solent in Philosophia, ideoque brevitatus causâ prætermittuntur.

ARTICVLVS V.

De immensitate Dei.

Ad questionem 8. Divi Thome.

Convenienter agit D. Thomas de immensi-
tate Dei, post ejus infinitatem: quia immen-
sitas est virtus quædam infinita, repletiva loci, &
veluti esse divini illimitatio, & incircumscrip-
tio; five potius incircumscribibilitas à loco.
Unde sicut ratione infinitatis, Deus est supra om-
ne ens creatum, & creabile; ratione aternitatis,
supra omnem tempus; ratione incomprehensi-
bilitatis, supra omnem cogitationem, & intelle-
ctum; ratione bonitatis, & pulchritudinis, su-
pra omnem amorem & admirationem: ita ratione immensitatis, est supra omnem locum,
quamvis per illam sit intimè & substantialiter
præsens in omnibus locis: iuxta illud quod dicit
Dionysius cap. 9. de divin. nomin. *Magnus ap-
pellatur Deus, secundum sibi propriam magnitudinem: quæ magnis omnibus de se communicaat, &
omni magnitudini extrinsecis superfunditur &
supra expanditur, omnem complectens locum, om-
nem excedens numerum, omnem transiliens in-
finitatem.* De hoc autem divino & admirabili at-
tributo fuisus quam de aliis differendum est, quia circa illud plures occurruunt difficultates & con-
troverxæ, paragraphis sequentibus discutiendæ.

§. I.

*Presentia & existentia Dei in omnibus rebus,
multiplici ratione demonstratur.*

62. D^{icitur} Eum non esse ubique, sed in aliqua mundi parte determinata, nempe in primo Cœlo, & in parte Orientis, unde est principium motus Cœli, quorundam veterum Philosophorum er-
ror fuit, ut refert D. Thomas 3. cont. Gentes cap. 66. quem etiam Vazquez attribuit Aristoteli, quia 8. Phys. textu 84. de Deo primo motore, &

A ea parte unde primi mobilis motus incipit, lo-
quens, ait: *Ibi ergo est movens.* Et in libro de
Mundo ad Alexandrum, de Deo loquens, in-
quit: *In summo culmine universi Cœli, suum ha-
bet ipse domicilium, statim, & collocatum.* Et post pauca, Deum cum Rege Persarum confert.
Sicut enim ille in Regia urbe Ecbatanis, aut Su-
sis, commorati solebat, & inde reliquias sui im-
perij civitates gubernabat: ita Deus (inquit) in
celo est, & inde reliquias mundi partes regit &
gubernat.

Fuit etiam olim error quorundam Iudaeorum,
qui, ut refert Hieronymus, contendebant Deum
nisi quam alibi, quam in templo Jerosolymitano
esse substantialiter præsentem. Describitur quo-
que Job 2. error quorundam impiorum dicen-
tium: *Nubes latibulum eius, nec nostra considerat,
& circa cardines cœli perambulat.* Quasi Deus
non nisi in celo præsens sit.

In eundem scopulum impegit olim cœca Gen-
tilitas, que Deos quos colebat, finitis locorum
spatiis ita inclusit, ut singulis Diis proprias lega-
mus fedes à Poëtis assignatas. Jupiter enim syde-
ribus duntaxat præfet, Neptunus aquis, Pluto
terræ & inferis, Vulcanus semper circa favillas
degit, Junoni solummodo licet per aëra spatiari;
& quod magis stultum, ac ridiculum est, O-
romesis viginti quatuor numina, intra unius ovi
globulum inclusit. Denique, ut lepidè illis ex-
probrat Arnobius: *In gypso manstant, atque in
tegulis Dij vestri: quin in modo testularum & gypsi
mentes, spiritus atque anime, Dij vestri sunt.*

Contra hunc errorem (inquit Cornelius Mu-
sus). *Veritas Christiana distinctè pronunciat:
Deus ubique est, aut omnino non est. Si ei im-
mensitatem negaveris, auferes divinitatem.*

Ratio etiam naturalis id siudet: Primo quia
immensitas, seu vis existentia in rebus ac locis,
non minùs est infinita, quam ejus essentia secundum
se, à qua virtualiter, & secundum rationem nostram quasi profluit: Sed essentia Dei est
simpliciter infinita, ut ostendimus articulo pra-
cedenti: Ergo & ejus immensitas, seu virtus re-
plete loci, infinita esse debet: ac proinde nullo
finito spatio & loco terminari ac definiri potest.

Secundò, Si Deus haberet locum naturaliter
determinatum, posset dari aliqua creatura spiri-
tualis aut corporea, qua multò majorem locum
occuparet: Sed hoc est absurdum, nam illa effet
magis immensa quam Deus: Ergo &c. Sequela
probatur: Quantò Angelus est perfectior, tanto
majorem locum occupat: Ergo cum in perfectio-
ne Angelorum possit procedi in infinitum, ad
eum tandem deveniretur, qui majorem locum
occupare posset quam Deus.

Tertiò, ut discurrit S. Doctor 3. contra Gent.
cap. 68. Sic se habet res incorporea ad hoc quod sit
in loco per virtutem suam, sicut res corporea ad hoc
quod sit in loco per quantitatem dimensionem: se
autem effet aliquod corpus habens quantitatem di-
mensionem infinitam, oportet illud esse ubique:
Ergo si sit aliqua res incorporea, habens virtutem
infinitam, oportet quod sit ubique: Ostensum est
autem, Deum esse infinitæ virtutis: est igitur
ubique.

Quartò, Si Deus non esset ubique, sed in ali-
quo loco determinato, v. g. in suprema cœli par-
te, ut quidam antiqui Philosophi posuerunt: aut
ibi esset liberè, aut naturaliter & necessario?
Non primum, alias Deus posset moveri locali-
ter, ac proinde mutari, quod repugnat actui pu-